

ماذا ستقول لله عندما يسألك عن الاسلام؟! | الحلقة (71) |

#شبابيك | د. حازم شومان

حازم شومان

السلام عليكم ورحمة الله وبركاته. الحمد لله وكفى. وصلاة وسلاما على عباده الذين اصطفى. اللهم لك الحمد كله ولك الملك كله وبيدك الخير كله واليك يرجع الامر كله. اللهم صل على محمد وعلى آل محمد كما صليت على إبراهيم وعلى آل إبراهيم. انك حميد - [00:00:00](#)

ثم جئت اخواني واحبابي في الله. اخواتنا الفاضلات الكريمات ربنا يبارك فيكم يا اخواني. يعني ونحن نتكلم عن خطط لمستقبلك. واحنا بنتكلم في برنامج شبابيك واحنا ازاى نفتتح شبابيك على الحياة؟ واحنا بنتكلم ازاى نخطط لمستقبلنا؟ واحنا بنتكلم يا جماعة عن اخطر محاور في مستقبلنا كلها - [00:00:30](#)

احنا بنتكلم الوقتي عن العرض على الله. خططي للعرض على الله. خطط لهذه اللحظة. يا جماعة الموضوع محتاج تخطيط. يا اخوانا علماء الادارة بيقلولوا عدم التخطيط لتخطيط للفشل. طب اذا كان ده قالوه على الدنيا اومال على الاخرة هيبقى شكله ايه؟ واحنا بنخطط للعرض على الله. العرض على الله يا جماعة احداث رهيبه واسئلة رهيبه. وفي - [00:00:50](#)

في ناس مش واحدة بالها فاكدة العرض على الله ده حاجة ابسط من كده. من ضمن الاحداث الرهيبة اللي بتحصل في العرض على الله. واللي هنقف معها في حلقة الليلة. ولزام ناخذ بالنا منها كويس جدا - [00:01:10](#)

يؤتى بالاسلام يوم القيامة كلمة الحسن البصري رحمه الله يؤتى بالاسلام يوم القيامة ساعة العرض على الله وتلاقي الاسلام جاي لك بتلاقي من ضمن الشهود اللي بيشهدوا عليك الاسلام دين الله. يؤتى بالاسلام يوم القيامة. فيقول يا رب هذا نصرني. يا سلام! يا بخت - [00:01:20](#)

اقتل الاسلام هيقلولوا عليه كده يا بختك. والله باحسده من دلوقتي. فيقول يا رب هذا نصرني. يا رب ده وقف معي. يا رب ما سابنيش في زنقة يا رب ما سابش نازلة لغزة ولا للعراق ولا لفلسطين ولا لاي مكان في الدنيا الا وايه وقف مع الدين فيها. يا رب ما سابش - [00:01:40](#)

نزيلة من نوازل الدعوة الا ووقف فيها. يا رب هذا نصرني. ويا رب هذا خذلني. يا رب كان كل تفكيره في دينته. كان كل تفكيرها في نفسها في مكياجها. وفي - [00:02:00](#)

في متعها. ما فكرتش يا رب ازاى تنصرني. ما عاشوش عشاني يا رب. ما ضحوش عشاني يا رب. ما جاهدوش عشاني يا رب. فيقول يا رب بهذا نصرني ويا رب هذا خذلني حتى اذا جيع بعمر بن الخطاب قال الاسلام يا رب كنت غريبا - [00:02:10](#)

حتى اسلم عمر لحد ما هذا الرجل اسلم يا رب. وحصل نقلة نوعية في الدعوة من يوم ما دخل الاسلام. يا ترى الاسلام هيقول عليك كده؟ يا رب يا رب انا كنت غريب في الجامعة الفلانية في الكلية الفلانية في النادي الفلاني في القرية السياحية الفلانية في المنطقة السكنية الفلانية في منطقة - [00:02:30](#)

الفل الفلانية في الجيم الفلاني. يا رب انا كنت غريب لحد ما فلان التزم. لحد ما فلانة التزمت قلبوا كل حاجة يا رب. في المدرسة فلانية في الشارع الفلاني في العيلة الفلانية. في القطاع التجاري الفلاني في الشركة الفلانية. كنت غريب يا رب لحد ما الاهي التزمت - [00:02:50](#)

كنت غريب يا رب لحد ما انا اهو التزم. يوم خمسة وعشرين سبعة الفين واربعناشر. انت كنت فين؟ انا خايف ان الاسلام يسألك قدام ربنا السؤال ده اهو ان الاسلام يسألك قدام ربنا يوم خمسة وعشرين سبعة الفين واربعناشر. معظم شباب مصر ومعظم شباب الامة العربية كان قدام - 00:03:10

ماتش نهائي كاس العالم في اليوم ده. كان قدام المانيا وهي بتلعب قدام الارجنتين في اليوم ده. في اليوم ده اليهود ضربوا غزة. في اليوم ده بنت اتضرب البيت بتاعها وهي مع اهلها. بنت طفلة طلعت تجري. وكل اهلها طلعا يجروا. بتقول وانا بجري. انا لقيت كل الناس بتهرب من المنطقة والمنطقة بقت خراب - 00:03:30

ببص على والدي ببص على اخواتي ما لقتش اي حد منهم. ما اعرفش وما كانش ينفع ان انا اقف. فضلت اجري ما لقتش مكان والقصف مستمر. لحد ما لقيت بيت - 00:03:50

نسيت ان القصف بعيد عنه بتقول دخلت رميت نفسي وهي بتنزف وهي مجروحة وهي بتموت مستنية ان حد هيجي ينقزني بتقول قعدت في البيت ده مستنية اول يوم هاموت من الجوع ومن العطش. هاموت من النزيف وما حدش جه. ثاني يوم المنطقة كلها خراب والقصف مستمر وما حدش - 00:04:00

مش جه. ثالث يوم وهي تكاد تهلك من الجوع والعطش والنزيف. اخيرا اليهود سابت قزف للمنطقة وجم الناس جم دوروا في المنطقة وطلعت البنات ودوها المستشفى بعد ما فاقت من اجراءات الاغاثة العاجلة اول ما فاقت سألت عن كل اهلها اللي كانوا معه في البيت عرفت ان كلهم - 00:04:20

جم اتقتلوا في القصف. عرفت ان ما فيش ولا واحد منهم فضل. للحزة دي انت كنت فين؟ للحزة دي. انت كنت فين؟ مش ربنا سبحانه وتعالى بيقول محمد رسول الله والذين معه عارف يعني ايه معه؟ يعني معه. يعني مع دين ربنا في كل نازلة. يعني لا يمكن الدين يتعرض لازمة وانتش موجود فيها. لما - 00:04:40

ييجي لما ربنا لما الاسلام يسألك قدام ربنا انت كنت فين في اليوم ده؟ هتقولي له ايه؟ في اليوم ده ام اتقاصف المنطقة اللي هي فيها. كل الناس سابت وهربت منها. ابنها خد قزيفة. ابنها ولعت في جسمه نار. امه شالته وطلعت تجري بتدور على عربية تنقلها المستشفى. ما فيش. كل المنطقة خراب - 00:05:00

تدور على حد يشيل معها ابنها ما فيش. طلعت تجري برجليها تنقل ابنها للمستشفى. وابنها بيولع بين ايديها. قبل ما توصل المستشفى كان ابنها اتحرق. كان ابنها بقى ميتة بين ايديها. للحزة دي انت كت فين؟ للحزة دي انت كنت فين؟ انت فين؟ انت فين؟ ربنا بيقول والذين معه. والذين معه يعني - 00:05:20

قضية الدين في كل نازلة بتحصل للامة في نازلة الدعوة. في نازلة القرى السياحية اللي وصلت لدرجة ان الفجور لا يتخيله حد. انت كنت فين؟ وانت كنت طيب خمسة وعشرين سبعة الفين واربعناشر يا سيدي انا كنت مشغول يوم ثلاثة اربعة الفين واثنين. انت كنت فين؟ يوم ما اليهود حصر مخيم جنين - 00:05:40

ونفزت كل قدرة على المقاومة من اهل فلسطين. ودخل اليهود واقتحموا مخيم جنين. وخطوا قنبلة قدام البيوت عشان الام اللي تنزل هو الاولاد على اكل تنفجر فيها القنبلة تموت. اب قبل ما القزف يبدأ بدقايق بعث بنته عشان تجيب لهم اكل. البنات نزلت عشان تجيب اكل. للحزة ديت - 00:06:00

بدأ القصف. الاب طلع مفزوع ملهوف على بنته في البلكونة يدور عليها. القناصة اليهود لقطوه ضربوه بالنار. نزل في البلكونة يعني وهو قفة تنزف ويموت. مراته حاولت انها تنقذه. اليهود منعوا. اي حد انه يخرج في اي نافذة من النوافذ. بقى بينزف قدام ولاده. ويموت قدام - 00:06:20

ولاده ممنوع ان هو ينقلوه مستشفى لحد ما مات. عايزين يشيلوا الجسة يدفونها. ممنوع القصف استمر عدة ايام. لحد ما الاب جسته تعفنت قدام قدام ولاده وممنوع ان حد يشيل اي جثة وينقلها. انت كنت فين؟ في اليوم ده انت كنت فين؟ في اليوم ده انت كنت بتعمل ايه؟ في اليوم ده انت نمتي - 00:06:40

انت بتحلمي بايه ؟ في اليوم ده انت صحيت وانت طموحاتك شكلها ايه ؟ وكان افراحك في اليوم ده بسبب ايه ؟ وكانت احزانك في اليوم ده بسبب ايه ؟ يؤتى بالاسلام - 00:07:00

يوم القيامة فيقول يا رب هذا نصرني. ويا رب هذا خذلني ويا رب هذه خذلتي خافي. خاف احسن اسلام يقول عليك كده. حتى اذا جيع بعمر قال الاسلام يا رب كنت غريبا حتى اسلم عمر. ده موقف من مواقف العرض على الله. ان الاسلام يسألك - 00:07:10 ويسألك انت كنت فين في اللحظات بتاعة الازمات؟ انت كنت فين في اللحظات الفارقة في تاريخ الاسلام؟ في الوقت اللي انت عشت فيه. يا اخواننا قم خمسة يونيه سبعة وستين. يعني ممكن يكون اللي عايشين منا في اللي لسه اللي عايشين من ايام اللي اتولدوا في اليوم ده يعني الوقت بقوا كبار. كنت فين في اليوم ده - 00:07:30

عارفين في اليوم ده لما اليهود اسروا الجنود المصريين في سينا عملوا فيهم ايه؟ عارفين عشان ما تنسوش مين هم اليهود؟ عشان ما تنسوش عملوا فينا ايه؟ عارفين عملوا فيهم ايه - 00:07:50 يعني يعني يهودي في اليوم ده قتل الفين مصري في عشر دقائق. وواحد من القيادات بتوعهم قتل عشرين الف مصري في الاسرى المصريين انت متخيل عسكري بيقول مجند بيقول اتأسرت في اليوم ده. اتأسرت بقوا يجيبوا العسكري ينزعوا الضوافر بتاعته او يحطوا - 00:08:00

حاجة في عينيه ياموه واللي يصرخ ويقول اه يقتلوه. بيقول عرفت في اليوم الثاني ان انا اهرب على مستشفى العريش عشان اتعالج هناك وهو مجروح. بيقول ثاني يوم صبح لقينا حد بينادي من تحت الجنود المصريين الجرحى ينزلوا عشان ننقلهم في القاهرة عشان يتعالجوا وينالوا علاج مكثف عالي هناك - 00:08:20

جنود نزل فرحانين ان حد يهتم بهم علاجيا. واذا بها خدعة من مجندات يهوديات بيكلمو مصري بطلاقة وماسكين على الدبابات الرشاشات بتاعتهم حصدوا كل الجنود اللي نزلوا وقتلوه. يعني صف الضباط لما مسكوه وقتها في الاسر خطوه جنب بعضه كدهوت والكلام ده يا جماعة - 00:08:40

افلام. الكلام ده في افلام متصورة خطوه وبقوا يعدوا بالدبابات عليه. يعدوا بالدبابات رايح جاي عليه. احنا كنا فين؟ احنا فين من ازمات الامة؟ كانوا وعائزين يقتلوا الضباط ومش عارفين الضابط من العسكري لان الكل بيثيل الرتب بتاعته. فعملوا ايه؟ عطشوا الاسرى ثلاث ايام. وبعد كده جابوا طنبور مية كبير وفتح - 00:09:00

راحوا الحنفيات بتاعته. الكل جري عشان يشرب مية. قالوا لهم عندكم الزباط يشربوا الاول. الزباط فرحوا جروا اتاري انها خدعة حصدوهم كلهم يعني انتم متخيلين يا جماعة ان الاسلام مر بايام ومر بمواقف عصبية وكانت ناس في الايام دي في الامة - 00:09:20

بتاكل وبتشرب وعيشة حياتها. احنا فين من اللي بيحصل للامة؟ احنا فين من اللي بيحصل لدين ربنا؟ احنا فين من اللي بيحصل للاسلام؟ الاسلام هيشهد لك ولا يشهد عليك الاسلام شاهد لنا ولا شاهد علينا انا مش قادر اقطع قلبكم بقصص ولكن من ضمن الحاجات اللي عملوها كانوا عايزين اي حد بيعرف يقرأ ويكتب يتخلصوا - 00:09:40

انه مش عايزين المسلمين يبقى فيهم حد عنده اي تعليم. قالوا لهم الصليب الاحمر عايز اسمائكم عشان يديكم الحقوق بتاعتكم. بتاعة حقوق الاسرى ورق واقلام اي جندي مسك ورقة وقلم يكتب اسمه عرفوا ان هو بيعرف يقرأ ويكتب ضربوه بالنار القناصة ضربوه بالنار خدوا ناس قتلوه - 00:10:00

عشان يبيعوا اعضائهم في تجارة الاعضاء. او عشان ياخدوا الدم بتاعهم ينقلوه للجرحى بتوعهم في هذه الحرب. للدرجة ديت حفروا آآ كانوا يدخلوا فيها جنود ويردموا عليهم بالجيل الحي يدفنوهم احياء. انتم متخيلين الحقد اللي في قلبهم علينا؟ الحقد اللي في اهل الباطل - 00:10:20

على الحق طب فين الحب اللي في قلبنا احنا للحق؟ طب اذا كان دا جهد اهل الباطل لنصرة الباطل. احنا فين جهدنا لنصرة الدين؟ احنا فين جهدنا لنصرة الاسلام انا عايز اقول ايه ؟ انا عايز اقول تعالوا نقسم الشاشة نصين. تعالوا نقسمها نصين. وفي نص من

النصين نحت منظر - 00:10:40

يعني احنا انتم عارفين احنا بنصرف على استيراد الفساتين السوارية كل سنة قد ايه؟ انتم عارفين حجم تجارة المخدرات في بلادنا وسنويا وصل لكم مليار دولار! انتم عارفين استيراد الميك اب والمكياج والزوج وكل انواع الميكاب! الحريمي وصلت لكم مليون -

00:11:00

سنويا عندنا انتم عارفين يا جماعة ان فيه ثري عربي جاب الكلب بتاعه وعمل له فرح كلفه ملايين يعني بالعملة ساعتهم ايا ما كانت العملة بتاعة بلده ايه كلفه ملايين عشان يعمل فرح للكلب بتاعه. انتم عارفين راجل الاعمال اللي قال على فريق كرة اللي بيحبه ان كل

جون - 00:11:20

اتجاب في الماتش الفاصل بتاع الدوري ده بمليون جنيه للاعب اللي جاب الجون ده. انتم متخيلين يا جماعة؟ متخيلين خطوا ده في شاشة وخطوا اللي في افريقيا الوسطى ولعوا فيه من يومين وحرقوه حي. قدام الشاشات. خطوا المشهد ده وخطوا قصاده منزرا انا

شفته - 00:11:40

يا عيني فيديو في افريقيا الوسطى مسلم والكل ملفوف حواليه والتعصب ضده وواحد نزل عليه باجنة كسر له عضمه وهو لسه ما ماتش قام واحد جايب حجارة كبيرة وقعد يرقص بها وبعد كده قامها بدھا على دماغه. برضه لسه ما ماتش. قام واحد تاني جايب

اجنة تانية وقعد يكسر بها - 00:12:00

جسمه لحد ما ارداه قتيل وهم قاعدين يرقصوا ويفرحوا. فرحانين بالمنظر اللي هم بيعملوه في واحد مسلم. تخيلوا يا جماعة الاسلام هيشهد علينا ولا لنا يوم القيامة. لما ده حصل واحنا احياء. يعني سعد بن ربيع الانصاري وهو بيموت في غزوة احد. قال لهم اخر

وصية لا عذر لكم - 00:12:20

ايها الانصار عند الله ان خلص الى رسول الله صلى الله عليه وسلم وفيكم عين تطرف. احنا دلوقتي خلص للاسلام واحنا بناكل وبنشرب ونايمين في بيوتنا وكل حاجة في حياتنا تمام التمام. فين هم الدين في حياتنا؟ انا دلوقتي باكلمك عن العرض على الله. انا

الوقتي باكلمك على العرض على الله. انا الوقتي باكلمك على - 00:12:40

الاسئلة اللي انت هتتسألها بين ايدين ربنا انما اصحاب النبي. يا ترى الدين هيشهد لهم ولا عليهم؟ يا ترى صحابة النبي اللي طلعا في غزوة تبوك الف وخمسمية كيلو متر على رجليهم. سابوا سابوا الدنيا وسابوا الثمار بتاعة المدينة. وراحوا يقاتلوا اكبر امبراطورية في

العالم. وهي الروم. وكان السبعة بيعتقدوا - 00:13:00

على بعير. يعني كل واحد يمشي على رجليه ستة كيلو في الف وخمسمية كيلو. ويركب كيلو. وانا داخل المدينة المنورة ولقيت مكتوب تبوك حوالي تمنميت كيلو انا قلبي اتجعز. يعني يا حبيب الله محمد عليك الصلاة والسلام. وانت عندك اتنين وستين سنة يا

رسول الله. ولسه لك شهور على موتك. طلعت من - 00:13:20

كده تمنميت كيلو رايح وتمنميت كيلو متر جاي. عشان دين ربنا دول الاسلام هيشهد لهم؟ ولا هيشهد عليهم؟ النبي عليه الصلاة والسلام بيقول زلت شهرا ليس لي ولاهلي طعام الا ما يوارى ايه بالضلال. النبي عليه الصلاة والسلام بيروي كلام معناه انه فضل شهر

ما لو ش اكل - 00:13:40

غير اكل اللي بلال بيخيه عشان يأكله للنبي عليه الصلاة والسلام ولاسرة النبي عليه الصلاة والسلام. انا عايز اقول لكم يا جماعة

الصحابة جاعوا قد ايه عشان الدين. ابو هريرة كان بيسقط من - 00:14:00

اقف قدام منبر النبي عشان يتفرغ لجمع العلم من النبي عليه الصلاة والسلام. النبي خرج مرة من الجوع لقي ابو بكر خارج في الشارع

بالليل قال له ما اخرجك؟ قال له الجوع - 00:14:10

لقي عمر قال له ما اخرجك؟ قال له الجوع قيادة الدولة العليا الرؤساء الثلاثة بتوع الدولة. اكبر ثلاث مراكز في الدولة خارجين في الشارع بالليل من الجوع من الجوع يا جماعة. استحملوا في شعب ابي طالب كل ورق الشجر. الجوع اللي اصحاب النبي عليه الصلاة

والسلام استحملوه. عشان ينصروا دين ربنا - 00:14:20

سبحانه وتعالى دول الاسلام هيشهد لهم ولا عليهم سمية رضي الله عنها رقم سبعة في الاسلام سبعة واحدة اسلمت جوزها وابنها من كتر التعزيب تسليم قدام المشركين وهي رفضت وظلت تتعزب وهي تعلن شهادة التوحيد. ابو جهل قدامها قال لها سبي محمد وانا اتركك - [00:14:40](#)

ما رزئت فقال لها سبي محمد ما لقتش اجابة غير ان هي تجمع البصاق في فمها ثم تبصق في وش ابو جهل. ابو جهل حس ان كرامته اتهدرت قدام الناس. شال الحربة وطعن السيدة سمية. قتلها. قتلها عشان بتدافع عن النبي عليه الصلاة والسلام. الوقتي شبابنا اللي بيموت - [00:15:00](#)

في جرعة مخدرات زائدة زي ما بنشوف في المستشفيات. واللي بيموت لان لعبية كورة بتاعه جاب الكورة في العارضة من كتر الخوف احسن ييجي جون في الفريق بتاعه يجي له سكتة قلبية. واللي بيجي له سكتة قلبية لان البورصة الاسهم اللي هو مقدم فيها. نزل تمنها. واللي انتحرت لما المغني بتاعها مات. واللي - [00:15:20](#)

انتحرت وانا رايع درس لقيته ميتم قلت لهم يا جماعة ده المفروض درس. قالوا لي بنت عندها سبعتاشر سنة. حبيبها اهلها ما رضوش يجوزوها لها. قتلت نفسها النهاردة واحد شاب بكلمه على قهوة في جولة من الجولات قال لي صاحبي حبيبته اللي بيجبها والده بعده عنها رمى نفسه من فوق العمارة قتل نفسه - [00:15:40](#)

شوفوا هم كانوا بيموتوا ليه واحنا بنموت ليه؟ شوفوا هم هيقابلوا ربنا على ايه؟ واحنا هنقابل ربنا على ايه؟ يا ترى يا جماعة الاسلام لما كلنا كلنا اقف بين ايدين ربنا. الاسلام هيشهد لك ولا هيشهد عليك؟ الاسلام هيشهد انك نصرته ولا هيشهد ان انت خذتته سيدنا - [00:16:00](#)

صعب ابن عمير مراته الجميلة الشابة الصغيرة حنة بنت جحش البنت الجميلة يسبها ويودعها عشان يخرج يقاتل عن النبي عليه الصلاة والسلام في غزوة احد قاتل اشد القتال وفجأة الموقف اتقلب. وفجأة المشركين يتقلبوا على المسلمين. ويلقي النبي عليه الصلاة والسلام في خطر سيدنا مصعب يمسك الراية في ايد ويمشي - [00:16:20](#)

امسك السيف في ايد ويفضل يقاتل بالسيف عن النبي عليه الصلاة والسلام. ويمسك الراية مصمم ان راية لا اله الا الله تفضل مرفوعة. يقطعوا ايديه. لو انت في ايدك واحد في ايده موبايل وايديه اتقطعت هيدور على ايده ولا على الموبايل يدور على السيف ويمسكه بايدته الثانية عشان يدافع ويدور على الراية ويمسكها عشان يدافع يقطعوا ايديه الثانية - [00:16:40](#)

يحط الراية في رقبته ما بين رقبته وصدرة يذبحوه ويسقط مقتول امام النبي عليه الصلاة والسلام. ده الاسلام هيقول نصره ولا هيقول خذله لما يوم القيامة ييجي سيدنا حمزة شليل كبده على حوض النبي كبده اللي عضته هند اللي عضته هند بنت عتبة في غزوة - [00:17:00](#)

اقعد لما يلاقي كبده قدامه وتقول له انت انت عامل كده ليه؟ يقول لك ده ده في سبيل الله. وتلاقي عبدالله ابن جحش جاي بطنه منقورة وامعاء بتنزف تقول لك ده ده في سبيل الله وتلاقي مصعب جاي دمه بينزف متقطع في سبيل الله. هتقول ايه؟ هتقف هتقرب من النبي ساعتها ازاى؟ هتقف بين ايدين ربنا في العرض - [00:17:20](#)

على الله وتقول للاسلام ايه؟ لما دول يشهدوا باللي هم عملوه عشان دين ربنا سبحانه وتعالى. يا اخواننا عايزين نركز مع بعض. عايزين نعيش مع بعض عايزين نخطط للعرض على الله. عايزين نخطط للموقف الرهيب ده. لما عبدالله بن حذافة السهمي ملك الروم اسره ودخل عليه خمر ولحم خنزير بعد - [00:17:40](#)

تلت تيام جوع وعطش بص ولحم خنزير ايه بقى ده مشوي بالتأكيد يعني ده جايبهوله في شكل رهيب نظر وقال اني لا اعلم ان لي رخصة ان اكل من هذا وان اشرب من هذا ولكني لا اشمع اعداء الله في دين الله. انا ما شمتهمش - [00:18:00](#)

وشفينا يا شمتهم فينا. مع كل شاب لابس سلسلة. وماشي مع بنت على الكورنيش وهي كاشفة شعرها. وعلاقة محرمة يا فاتتهم فينا من الحوارات اللي بتحصل ما بين شبابنا وبعضه وشبابنا والبنات على السكايب ولا على الفيس مسنجر ولا على الواتس يا شمتاتهم فينا - [00:18:20](#)

وهم بيفتحوا الاعلان بتاعنا ويشوفوا التبرج اللي وصل له المسلمات زيه زي التبرج اللي وصل له غير المسلمات. يا ترى الاسلام هيشهد لنا ولا يشهد علينا يا ترى ساعة العرض على الله؟ دين ربنا يشهد لك ولا هيشهد عليك؟ انا مش عارف اقول ايه يا جماعة؟ ومش عارف اسيب ايه؟ مش عارف - [00:18:40](#)

بفتكر الموقف اللي كنت لسة بحكيه لبناتي. وانا بحكي لهم الهجرة الصحايبات والصحابه ضحوا بحياتهم. قد ايه عشان الهجرة؟ وانا بحكي لهم موقف ابو وخارج مع مراته سلمة وخارجين وشايلين ضلعهم سلمة ويخرج قومها يقولوا له واخذ بنتنا ورايح فين هاتها ياخذوا مراته يخرج قومه ويقولوا له - [00:19:00](#)

الضمانة سلمة واخدينه ليه؟ يقوموا واخدين سلمة وهو يلاقي نفسه وحيد. يصمم انه يروح للنبي عليه الصلاة والسلام. الاسرة تتقطع ثلاث حنت في لحزة. سلمة عند قوم ابوه ام سلمة عند قومها وابو سلمة هاجر الى النبي عليه الصلاة والسلام. سنة كاملة الاسرة متمزقة لحد ما اه - [00:19:20](#)

يعني ربنا فرج الكرب ولم شمل الاسرة في دار الهجرة. الناس دي استحملت. الناس دي الدين هيشهد لها قد ايه؟ الناس دي الدين هيقول يا رب دول اللي كانوا سبب في انتشار - [00:19:40](#)

طري في الارض يا رب انت كم واحد غير مسلم اسلم بسببك؟ انت انت كم واحدة متبرجة اتحجبت ولبست حجاب امهات المؤمنين بسببك. انت كم نازلة من نوازل الاسلام اداغ عن الاسلام فيهم بسببك. انت كم شاب غير ملتزم تاب الى الله بسببك؟ انت كم واحد عمره ما سمع دين سمع عن ربنا - [00:19:50](#)

ربنا بسببك انت كم فقير هيموت من الجوع كل وشرب بسببك. انتم يا جماعة عملنا ايه لامة محمد والذين معه؟ عملنا ايه لامة النبي عليه الصلاة والسلام؟ عملنا ايه؟ لدين ربنا. نصرنا دين ربنا بايه؟ هتقولي له ايه؟ هتقول له ايه؟ ماذا - [00:20:10](#)

فقولوا لربك غدا. هتقول له ايه؟ لما الاسلام يشهد على اللي انت عملته معه في الدنيا. هتقول لربنا ايه؟ وهتقول لربنا ايه ساعتها اللحزة دي هنتمنى في العرض على الله فيه ناس هيسقط لحم وجوهها من الخجل يا ترى احنا هنفرح ساعة العرض على الله ولا هتسقط - [00:20:30](#)

وجوهنا من الخجل في هذه اللحظات الرهيبة وفي هذه اللحظات العصيبة. هنقول لربنا ايه؟ لما الاسلام يشهد علينا قدام ربنا. والاسلام هيشهد علينا بايه؟ قدام ربنا. مش عايزين ننسى الزاكرة بتاعتنا. يوم مشارون دخل في مزبحة صبرا وشتيمة - [00:20:50](#) يوم ما جابوا امرأة مسلمة حامل في الشهر التاسع. فرغوا الرشاش في رقبتها قتلوها. وبعد كده بسكينة فتحوا بطنها وطلعوا الجنين ودبحوه يوم ما دخلوا صابرة وشتيلة وشارون جاب الاعضاء بتاعة الاطفال وعملها عقد عشان يتباهى به بها - [00:21:10](#) قدام الجنود اللي اليهود اللي زيه يقول لهم شوفوا انا عملت ايه في المسلمين. يوم ما طفل عنده ست سنين جروا وراه. الطفل جري على امه اترمى في حضنها. وهم - [00:21:30](#)

فبيجروا وراه وهو في حضن امه ضربوه بالنار قتلوه جوة حضن امه. فضلت هزه المرأة المسلمة مجنونة الى ان ماتت. جن عقلها وفخها وفقدت عقلها الى ان ماتت لما جابوا ام اغتصبوها قدام ولادها وبعد كده قتلوا ولادها قدام عينيها. لما الاسلام يشهد يوم القيامة هيقول على المسلمين - [00:21:40](#)

هيقول على المسلمين ان الكلام ده حصل وهم عايشين وشاريين وواكلين وبيصيفوا في الساحل او في الغردقة او في شرم هيقول عليهم ايه وبيسهروا قدام القنوات اخوات او قدام مواقع النت اللي بيتبسطوا قدامها طول الليل هيقول عليهم ايه؟ الاسلام هيشهد لك ولا هيشهد عليك؟ هذا يعني - [00:22:00](#)

كان وقفة في ضمن الكلام اللي احنا بنتكلمه في العرض على الله. واحنا بنخطط للنجاة ساعة العرض على الله. واحنا بنخطط لاخذ كتاب باليمين ساعة العرض على الله. العرض على الله في نهايته يا بتاخدي كتابك باليمين. يا بتاخديه بالشمال. يا بتاخدي الكتاب اللي بتدخله به الجنة بطاقة دخول الجنة. يا اما - [00:22:20](#)

والعياذ بالله يعني الاخرى ساعة العرض على الله هناخد كتابنا باليمين ولا هناخد كتابنا بالشمال؟ اخواني واحبابي في الله يجب ان

نفكر في هذا الامر ويجب ان يعني آآ يعني ان ننتبه لهذه القضية الخطيرة. خطط لمستقبلك خطط لمستقبلك لانك تتعرض على الله
- 00:22:40

وسيدنا بلال هيعرض على الله وهيقول يا رب يا رب لما الاسلام بييجي يشهد عليه يا رب انا كانوا بيربطوا رجلي في فرس وفي عز حر
مكة يجردوا ضهري من اي ملابس والفرس يجري جلد ضهري يتسلخ من النار ومن الكحت على الارض. قل - 00:23:00
خطط للعرض على الله. خططي لشهادة الاسلام عليك. لانك انت تتعرضي على الله. انت انت وسيدنا خباب. سيدنا خباب هيقول يا
رب اسلام لما بييجي يشهد عليها يقول يا رب انا كنت اقف اصلي ام انمار كانت تكويني بالنار يطلع الدخان مكان كوي السيف من على
راسي واسقط مغشيا علي - 00:23:20

هيقول يا رب انا انا ضحيت بعمرى كله عشان دينك يا رب. خطط لمستقبلك. خطط للحظة العرض على الله. لانك وانت بتعرضي على
الله اه هيجي سيدنا خبيب رضي الله عنه وهيجي الاسلام يشهد على ايه وهيقول يا رب انا اتعلقت على نخلة في التنعيم وابو
سفيان جه لما - 00:23:40

وقعد يخليني اتضرب بالسهم في ايديا ورجلي عشان يقطعه في جسمي وانا لسة حي. وانا في قمة الالم وهم بيعزبونني حي قبل ما
يقتلونني. جابوا سفيان وقال لي اتحب انك في اهلك وبيتك ومحمد بن عبدالله مكانك. قلت له يا رب والله ما احب اني في بيتي -
00:24:00

ورسول الله صلى الله عليه وسلم يشاك بشوكة. يا رب انا نصرت دينك لآخر لحزة في عمري. ولاخر لحزة في حياتي ساعتها هتقولي
لربنا ايه؟ ساعتها هتقول لربنا ايه؟ الصحابة عندهم اللي يقولوه لربنا. الصحابييات عندهم اللي يقولوه لربنا - 00:24:20
انت عندك اللي تقوله لربنا. انت عندك اللي تقوله لربنا. انا عندي اللي اقوله لربنا عايزين نخطط. ربنا ينجينا يا رب. ربنا يجعلنا ممن
يأخذون كتابهم باليمين. ربنا يجعلنا من اهل الفردوس الاعلى. ربنا يجعلنا من الذين مع محمد عليه الصلاة والسلام في الدنيا وفي
الآخرة. ربنا يجعلنا من اصحاب - 00:24:40

رسالة الذين يحملون دينه وينصرون دينه عشان لما بييجي الاسلام يشهد علينا يوم القيامة نقول يا رب احنا عشنا عشان دينك ومتنا
عشان دينك يا رب وما استسلمناش ابدًا مهما كانت الحرب على الاسلام. سبحانك اللهم وبحمدك اشهد ان لا اله الا انت استغفرك
واتوب اليك - 00:25:00

اليك - 00:25:20